

**Inuussutissarsiutigalugu piniarsinnaanermut allagartat pillugit Namminersorlutik Oqartussat nalunaarutaat nr. 13, 30. december 2014-imeersoq**

Piniarnej aallaaniarnerlu pillugit Inatsisartut inatsisaat nr. 12, 29. oktober 1999-imeersumi, Inatsisartut inatsisaat nr. 1, 16. maj 2008-meersukkut allangortinneqartumi, § 6, § 12, § 13, imm. 1 aamma § 17, imm. 2, malillugit aalajangersarneqarput:

Atuuffia

§ 1. Nalunaarut una Kalaallit Nunaata nunataani aalisarnikkullu oqartussaaffigisaani inuussutissarsiutigalugu piniarsinnaanermut aallaaniarsinnaanermullu atuuppoq.

Imm. 2. Nalunaarummi uumasut miluumasut timmissallu tamarmik pineqarput.

Akiliuteqartitsinerup aalajangersaavigineqarnera

§ 2. Piniarnermut allagartanut akiliuteqartitsinermi akigititassap annertussusaa qaammatisiutit ukiuat naallugu Piniarnermut Naalakkersuisumut ilaasortamit aalajangersarneqartassaaq, ukioq kingulleq allaffissornikkut ingerlatsinermilu aningaasartuutit tunngavigalugit.

Imm. 2. Inuussutissarsiutigalugu piniarnermut allagartap tunniunneqarneranut akiliutissaq annertussuseqarpoq 250 kr.-nik.

Inuussutissarsiutigalugu piniarsinnaanermut aallaaniarsinnaanermullu akuersissuteqartarnej

§ 3. Inuussutissarsiutigalugu piniarsinnaanermut allagartaq killissarititaasut inatsisini allani aalajangersarneqartut iluanni piniarnissamut aallaaniarnissamullu pisinnaatitsivoq.

Imm. 2. Kalaallit Nunaanni pinerluttulerineq pillugu inatsit naapertorlugu, sakkut ulorianartut inunnut 12-it inorlugit ukiulinnut tunniuteqqusaanngillat, tamanna naapertorlugu taamatut ukiutigut killigititaq ataallugu ukiullit piniarsinnaanermut allagartamik tunineqarsinnaanngillat.

Inuussutissarsiutigalugu piniarnermut allagartartaarniarluni qinnuteqarnej

§ 4. Inuussutissarsiutigalugu piniarnermut allagartassamik qinnuteqarnej pisinnaavoq immersuiffissamut Piniarnermut Naalakkersuisoqarfimmit ilusilersugaq atorlugu kommunimut

najugarigisamut nassiunneqarneratigut imaluunniit Internet-imik aallaavilik atorlugu nassiunneqarneratigut.

Imm. 2. Piniarnermut allagartamik qinnuteqartumut itigartitsisoqartillugu, najugarisami kommunerisamit tamatuminnga qinnuteqartoq ilisimatinneqassaaq, Piniarnermut aallaaniarnermullu Inatsisartut inatsisaanni piumasarineqartut qinnuteqartumit naammassineqannginneri peqqutigalugu. Allakkatigut nalunaarutigineqarnerata assilineri Piniarnermut Naalackersuisoqarfimmut nassiunneqassaaq.

#### Inuussutissarsiutigalugu piniarnermut allagartap atorsinnaassusia

**§ 5.** Inuussutissarsiutigalugu piniarnermut allagartaq tassaavoq Piniarnermut Naalackersuisoqarfiup giro atorlugu akiliiffissiaata akiliisimanermut uppersaatitaa.

Imm. 2. Inuussutissarsiutigalugu piniarnermut allagartap tunniunneqarnerani akiliuteqartitsisoqassaaq, § 2 naapertorlugu.

Imm. 3. Inuussutissarsiutigalugu piniarnermut allagartaq taamaallaat atuuppoq akiliisimaneq uppersarsimagaangat atuuttarlunilu qaammatisiutit ukiuat allagartap atuuffissaa naallugu. Akiliisimanermut uppersaat tassaavoq giro atorlugu akiliiffissami aningaaseriviup allakkeriviulluunniit naqitsisaa, webbank atorlugu akiliisimanermut uppersaat imaluunniit allatut iliorluni paatsoorneqarsinnaanngitsumik qularnaatsumillu nalunaarsuineq, akileqquneqartup akilersimaneranut uppersaatitut atuuttoq.

**§ 6.** Inuussutissarsiutigalugu piniarnermut allagartamik piginnittoq Piniarneq aallaaniarnerlu pillugit Inatsisartut inatsisaanni inuussutissarsiutigalugu piniarnissamut piumasaqaatit aalajangersakkat naammassinngippagit imaluunniit inuussutissarsiutigalugu piniarnermik aallaaniarnermillu ingerlatsinerminik unitsitsippat, tamanna kommunimut najugarisamut erngerluni nalunaarutigineqassaaq.

Imm. 2. Najugarisami kommunerisap imm. 1 naapertorlugu nalunaarut Piniarnermut Naalackersuisoqarfimmut ingerlateqqissavaa. Pineqartoq sunngiffimmi aallaaniarsinnaanermut allagartat pillugit Namminersorlutik Oqartussat nalunaarutaat malillugu sunngiffimmi piniarsinnaanermut allagartartaarnissaamut qinnuteqarsinnaavoq.

**§ 7.** Inuussutissarsiutigalugu piniarnermut allagartaq piginnittumuinnaq tunngavoq allamullu tunniuteqqusaanani, tuneqqusaanani atukkiuteqqusaananiluunniit.

Imm. 2. Inuussutissarsiutigalugu piniarnermut allagartaq kinaassutsimut uppersaammumut atuuttumut ilanngullugu piniarnermi aallaaniarnermilu nassarneqartassaaq nakkutilliinermullu atatillugu politiit, piniarnermik aalisarnermillu nakkutilliisut, taakku ikiortaasa imaluunniit inuit tamatumunnga piginnaatitaasut piumasaqarnerisigut takutinneqartassalluni.

## Pisanik nalunaaruteqartarneq

§ 8. Inuussutissarsiutigalugu piniarnermut allagartalik kinaluunniit pisussaavoq pisat tamarmiusut nalunaarsussallugit pissatat ilanngullugit. Pisanik nalunaarsuinissamut periarfissat marluusunit arlaat atorlugu pisinnaavoq:

- 1) Pisisimasat qaammatit naaneri tamaasa naatsorsuusiorneqartassapput. Ukiumut pisisimasat pillugit kisitsisit, imm. 2 naapertorlugu piffissap pisanik nalunaarsuiffiusussap naanerani, pisanik nalunaarsuiffissamut Piniarnermut Naalackersuisoqarfimmit suliarineqarsimasumut naatsorsuusiorneqassapput, oktobarillu ulluisa 15-iat tikitsinnagu utertinneqassallutik.
- 2) Pisisimasat Internet-imik aallaavilik atorlugu oktoberip ulluisa 15-iat tikitsinnagu nalunaarsorneqassapput.

Imm. 2. Piffissaq pisanik nalunaarsuiffiususaaq tassaavoq oktobarip ulluisa aallaqqaataanniit septembarip ulluisa 30-iannut, ullut taakku ilanngullugit.

Imm. 3. Inuussutissarsiutigalugu piniarsinnaanermut allagartap nutarternissaanut tunngaviusaaq piffissamut pisanik nalunaarsuiffiusussamut qaangiuttumut pisanik nalunaarsuilluni immersuiffissap Piniarnermut Naalackersuisoqarfimmi nalunaarsorneqarsimanissaa, imm. 1 naapertorlugu.

Imm. 4. Inuussutissarsiutigalugu piniarnermut allagartartaarnissamut qinnuteqaatit suliarineqassanngillat pisanik nalunaarsuiffik, piffissami pisanik nalunaarsuiffiusussaatitaaffimmi siuliani, imm. 2 naapertorlugu, pisanik nalunaarsuiffimmik immersuiffissaq, imm 1, naapertorlugu immersorneqarluni nassiunneqarsimanngippat.

## Immikkut akuersissuteqartarneq

§ 9. Piniarnermut Naalackersuisoq nalunaarummi matumani maleruagassat immikkut saneqqunneqarnissaannut akuersissuteqarsinnaavoq tamanna ilisimatuutut misissuinerit pisariaqartilersippassuk.

Imm. 2. Inuussutissarsiutigalugu piniarnermut allagartassanik immikkut akuerineqarnissamik qinnuteqaat najugarisami kommunerisamut imaluunniit Piniarnermut Naalackersuisoqarfimmut nalunaarutigineqassaaq immersuiffissaq Naalackersuisoqarfimmit ilusilersugaq atorlugu imaluunniit imminut kiffartuusseriaatsimi immersugassaaq Naalackersuisoqarfimmit ilusilersugaq atorlugu nalunaarutigineqassalluni.

Imm. 3. Imm. 2 naapertorlugu immikkut akuerineqarneq qaammatsiutit ukiuanni tunniunneqarfigisamini atuutissaaq.

## Pineqaatissiisutit

§ 10. Piniarneq aallaaniarnerlu pillugit Inatsisartut inatsisaanni piniarsinnaanermut aallaaniarsinnaanermullu piumasaqaatinik uanilu nalunaarummi § 7, imm. 1-imik 2-millu kiisalu § 8, imm. 1-imik unioqutitsisut akiliisitsinikkut pineqaatissinneqarsinnaapput.

Imm. 2. Piniarneq aallaaniarnerlu pillugit Inatsisartut inatsisaanni piniarsinnaanermut aallaaniarsinnaanermullu piumasaqaatinik aamma § 7, imm. 1-imik 2-millu unioqqutitsisoqartillugu pisat taakkuluunniit nalingat Kalaallit Nunaanni pinerluttulerinermik inatsit malillugu arsaarinnissutigineqarsinnaapput.

#### Atuutilerfia

**§ 11.** Nalunaarut atuutilerpoq ulloq 1. januar 2015.

Imm. 2. Tamatumunnga peqatigitillugu Inuussutissarsiutigalugu piniarnermut allagartat pillugit Namminersorlutik Oqartussat nalunaarutaat nr. 18, 9. oktober 2012-imeersoq atorunnaarsinneqarpoq.

Namminersorlutik Oqartussat, ulloq 30. december 2014.

Karl-Kristian Kruse

/

Jørgen I. Olsen